

四庫全書

子部

欽定四庫全書

子部

證治準繩卷四十五

詳校官太醫院院使<sub>臣</sub>張肇基

編修<sub>臣</sub>倉聖脈覆勘

總校官進士<sub>臣</sub>朱鈴

校對官中書<sub>臣</sub>吳俊

謄錄監生<sub>臣</sub>喻泰階

欽定四庫全書

證治準繩卷四十五

傷寒

少陰病

吐利

腹滿時痛吐利不渴者太陰病

論見腹滿活人云理中湯主之

病人

脈陰陽俱緊反汗出者亡陽也此屬少陰經當咽痛而

復吐利

桂枝乾薑湯

少陰病吐利手足厥冷煩燥欲死者

吳茱萸湯主之

少陰病吐利手足不厥冷反發熱者

不死脈不至者灸少陰七壯

脈云在內踝後跟骨上動陷中陰熱論其身發熱

也余按少陰之絡非特一穴今曰少陰而不指某穴者針法當隨四時隨運氣以取井榮俞經合不可執泥也龐氏定以為太

少陰病吐利煩燥四逆者死少

陰病下利欬而嘔渴心煩不得眠者猪苓湯主之

論見下利

少陰病腹痛小便不利四肢重痛自下利或嘔者真

武去附子加生薑湯

溫見下利

少陰病下利脈微瀉嘔而

汗出者當溫其上灸之

論見欲寐溫其上謂下有寒氣當溫其上以助陽氣也

既吐且利小便復利而大汗出下利清穀內寒外熱脈

微欲絕者四逆湯主之

王叔和霍亂篇

太陽與少陽合病頭痛脇痛往來寒熱自利而嘔者黃

芩加半夏生薑湯

論見合病

發熱汗出不解心中痞鞭嘔

吐下利者宜大柴胡湯

論見痞

發汗後水漿不得入口

者為逆若更發汗必吐下不止嘔吐而利者名曰霍

亂病發熱頭痛身疼惡寒吐利者此名霍亂自吐下

又利止復更發熱也

霍亂頭痛發熱身疼痛熱多飲

水者五苓散主之 寒多不飲水者宜理中湯

理中湯方

人參

乾薑

炮

甘草

炙各一兩

白朮

二兩

右判每服四錢水煎去滓溫服如寒甚者加乾薑一兩半 渴欲得水者加白朮一兩半 臍上築者腎

氣動也去白朮加桂枝二兩

吐多者去白朮加生

薑四兩

下利多者倍用白朮

悸者加茯苓二兩

腹滿者去白朮加附子一枚服湯後如食頃飲熱

粥一升許自溫勿發揭衣被

活人云或四肢拘急或轉筋者亦去米加附子

吐利汗出發熱惡寒四肢拘急手足厥冷者四逆湯主之吐利止而身痛不休者當消息和解其外宜桂枝湯

惡寒脈微利止者四逆加人參湯

方論見惡寒

吐已下斷汗出而厥四肢拘急不解脈微欲絕者通脈

四逆湯加猪胆汁主之

甘草

炙二兩

乾薑

三兩

附子

大者一枚

去皮破八片

猪胆汁

半合

右三味㕮咀水三盞煎至二盞去滓納猪胆汁分作

溫服其脈即來

吐利發汗脈平不煩者以新虛不勝穀氣故也 乾嘔

而利兼脇痛而表解者宜十棗湯心下痞鞭而煩者宜

甘草瀉心湯兼厥逆脈微者通脈四逆湯白虎加豬胆

汁湯

詳見前  
乾嘔門

診脈陰陽俱緊至於吐利其脈獨不解緊去人安為欲  
解若脈遲至六七日不欲食此為晚發水停故也為未  
解食自可者為欲解



霍亂證治已詳雜病茲不贅

下利

成自利者不因攻下而自泄瀉也有表邪傳裏裏協熱而利者有不因攻下而下之遂利者是皆協熱也又三

陽合病皆作自利有發表攻裏和解之不同

太陽陽明合病為在

表故與葛根湯以汗之太陽少陽合病為在半表半裏故與黃芩湯以和解之陽明少陽合病為少陽邪氣入

裏故與承氣湯下之

且自利不渴者屬太陰藏寒故也下利欲飲

水者有熱故也故大便溏小便自可與夫發熱後重泄

色黃赤者皆為熱也自利小便色白少陰病形悉具與夫惡寒脈微自利清穀者皆有寒也夫自利固多可溫然腸胃有積結與下焦客邪又非溫劑所能止必也或

分利之或攻泄之乃可也

經曰理中者理中焦此利在下焦宜赤石脂禹餘糧湯不

差當利其小便是也少陰病自利清水色純青心下必痛口乾燥與夫下利三部皆平按之心下硬或脈沈而滑或不欲食而謔語成差後至年月復發此數者皆腸胃有積結而須攻泄者也此則謂之通因通用又

下利雖有表證不可發汗以下利為邪氣內攻走津液而胃虛也經曰下利不可攻表汗出必腹滿是也蓋三

陰自利居多然自利家身涼脈靜為順身熱脈大為逆

大抵下利脫氣又為難治蓋邪盛正虛邪壅正氣下脫

多下利而死

經曰少陰病自利復煩燥不得臥寐者死直視譫語下利者死下利日十餘行脈反

實者死下利手足厥冷無脈灸之不溫脈不還者死發熱下利至甚厥不止者死此數者皆邪氣壅正氣下脫

故

要略曰六府氣絕于外手足寒五臟氣絕于內利下

不禁噫疾成而後藥雖神醫莫能為氣已脫矣孰能

之六經俱有下利之病表裏寒熱治各不同學者宜審

太陽傷寒表不解心下有水氣乾嘔發熱而欬或渴或

利或噎或小便不利少腹滿或喘者小青龍湯 太陽

與陽明合病必自下利葛根湯

成傷寒有合病有併病太陽病不解併于陽明

者謂之併病三經俱受邪相合病者謂之合病合病者邪氣甚也太陽陽明合病者與太陽少陽合病陽明少陽合病皆言必自下利者以邪氣併於陰則陰寔而陽虛邪氣併於陽則陽寔而陰虛寒邪氣甚客于二陽二陽方外寔而不主裏則裏氣虛故必下利與葛根湯以散經中甚邪其脈必浮而長也 太陽病

外證未除而數下之遂挾熱而利利不止心下痞鞭表

裏不解者桂枝人參湯

張或云仲景論中太陽病桂枝證醫反下之利遂不止與葛根

黃連黃芩湯上條又與桂枝人參湯且二證俱係表不解而下之成利者何故用藥有溫涼之異夫二證俱係

內虛熱入協熱遂利但脈證不同故用藥有殊耳經言脈促者表未解也喘而汗出者葛根黃連黃芩湯主之夫脈促為陽盛喘而汗出為裏熱其陽盛裏熱與葛根黃連黃芩者理所宜也 太陽與少陽

合病自下利者與黃芩湯若嘔者黃芩加半夏生薑湯

下利而頭痛胃滿或口苦咽乾或往來寒熱其脈或大而弦是也

黃芩湯方

黃芩

三兩

芍藥

甘草

各二兩

大棗

十二枚擘

右四味以水一斗煮取三升去滓溫服一升日再夜

一服

虛而不實者苦以堅之酸以收之黃芩芍藥之苦酸以堅斂腸胃之氣溺而不足者甘以補之甘草大棗

之甘以補固  
腸胃之弱

黃芩加半夏生薑湯

黃芩湯內加半夏半升

洗生薑

三兩切

太陽少陽併病而反下之成結胸心下鞭下利不止水

漿不下其人心煩

胸生薑瀉心湯

張凡合病皆下利各從外證

以別焉夫太陽病頭項痛腰脊強陽明病目疼鼻乾不  
得以少陽病胃脘痛耳聾凡遇兩經病證齊見而下利  
者曰合病也雖然但見一證便是不必悉具然仲景不  
言脈證止言太陽與陽明合病者以前章所論包含已  
上之證即此理也況各經  
之證所見不一難為定論

太陽病桂枝證反下之利

遂不止脈促者表未解也喘而汗出者葛根黃芩黃連湯

葛根黃芩黃連湯方 葛根斤半甘草炙黃芩各二兩黃連

三兩

右四味以水八升先煮葛根減二升內諸藥煮取二升去滓分溫再服

內經曰甘發散為陽表未解者散以葛根甘草之甘苦以堅裏氣弱者堅以黃芩黃連之苦

太陽病下之脈促不結胸者為欲解脈沈滑者協熱利

脈浮滑者必下血

黃芩湯

太陽病二三日不能臥但欲

起心下必結脈微弱者此本有寒分也反下之若利止

必作結胸未止者四日復下之此作協熱利也

黃芩湯

傷寒中風反下之利遂不止穀不化腹中雷鳴心下鞭

滿乾嘔心煩不安醫見其痞復下之痞益甚此非結熱

以胃中空虛客氣上逆故使鞭也甘草瀉心湯 傷寒

汗解後胃中不和心下痞鞭乾噫食臭脇下有水氣腹

中雷鳴下利者生薑瀉心湯 太陽中風下利嘔逆表



解者乃可攻之其人漿漿汗出發作有時頭痛心下痞  
鞭引脇下痛乾嘔短氣汗出不惡寒者此表解裏未和  
也十棗湯傷寒發熱汗出不解心下痞鞭嘔吐而下  
利者大柴胡湯傷寒十三日不解過經譫語者以有  
熱也當以湯下之若小便利者大便當鞭而反下利脈  
調和者知醫以丸藥下之非其治也若自下利者脈當  
微厥今反和者此為內實也調胃承氣湯太陽病二  
日反燥反熨其背而大汗出大熱入胃水竭燥煩必發

譚語十餘日振慄自下利者為欲解也 傷寒醫下之

續得下利清穀不止身痛者急當救裏四逆湯身痛清

便自調者急當救表桂枝湯

成傷寒下之續得下利清穀不止身痛急當救裏以

裏氣不足必先救之急與四逆湯得清便自調知裏氣已和然後急與桂枝湯以救表身痛者表邪也內經曰病發而不足標而本之先治其標後治其本此以寒為本也

四逆湯方

甘草

炙二兩

乾薑

半兩

附子

一枚去皮破八片

用一

附子去皮臍先將鹽水薑汁各半盞用砂礮煮七沸後入甘草黃連各半兩再加童便半盞再煮七沸佳

火良久撈起入磁器盛貯受地氣一晝夜取出晒乾以備後用庶無毒害頂圓修正一兩一枚者佳

右三味咬咀以水三升煮取一升二合去滓分溫再服強人可大附子一枚乾薑三兩

成四肢者諸陽之本陽氣不足陰寒加之陽氣不相順接是致手足不溫而成四逆此湯中發陽氣走散陰寒溫經暖肌故以四逆名也內經曰寒淫於內治以甘熱却陰扶陽必以甘為主是以甘草為君內經曰寒淫所勝平以辛熱逐寒正氣必先辛熱是以乾薑為臣內經曰辛以潤之開發腠理致津液通氣也

煖肌溫經必憑大熱是以附子為使此奇制之大劑也四逆屬少陰少陰者腎也腎肝位遠非大劑不能達內經曰遠而奇偶制大其服此之謂也

傷寒服湯藥下利不止心下痞鞭服瀉心已復以他藥

下之利不止治以理中利益甚理中者理中焦此利在

下焦赤石脂禹餘糧湯復利不止當利小便

或用猪苓湯

赤石脂禹餘糧湯方 赤石脂

一斤碎

禹餘糧

一斤碎

已上二味以水六升煮取二升去滓分三服

傷寒十三日不解胸脇滿而嘔日晡潮熱已而微利此  
本柴胡證下之不利今反利者誤以丸藥下之也潮熱  
者實也先宜柴胡以解外後以柴胡加芒硝 太陽病  
過經十餘日心下溫溫欲吐胸中痛大便反溏腹微滿  
鬱鬱微煩先時自極吐下者調胃承氣湯

陽明病潮熱大便溏小便自可胸脇滿者小柴胡湯

病人無表裏證發熱七八日雖脈浮數者可下下之脈  
數不解而下利不止必便膿血也

黃芩湯  
檳皮湯

陽明少陽

合病必下利其脈不負者順也負者失也互相尅賊名

為負也脈滑而數者有宿食也當下之宜大承氣湯成陽

明土少陽木二經合病氣不相和則必下利少陽脈不勝陽明不負是不相尅為順也若少陽脈勝少陽脈負

者是鬼賊相尅為正氣失也脈經曰脈滑者為病食也又曰脈數則胃氣寔下利者脈當微厥今脈滑數知胃

有宿食與大承氣湯以下除之臟結如結胸狀飲食如故時時下利

寸脈浮開脈小細沈緊舌上白胎滑者難治

太陰太陰為病腹滿而吐食不下自利益甚時腹自痛

若下之必胸下結鞭 自利不渴若屬太陰以其臟有

寒故也當溫之宜服四逆輩

張經言輩字者謂藥性同類惟輕重優劣不同耳凡

太陰自利不渴即言有用理中而愈者甚則理中加附子而獲安者凡言輩者蓋如此夫四逆湯甘辛相合乃大熱之劑苟輕用之恐有過度之失所以仲景不為定擬也莫若以理中循循而用之至為平穩如不得已者為用也

太陰為病脈弱其人續自便利設當行芍

藥大黃者宜減之以其人胃氣弱易動故也

成腹滿痛者太陰病

也脈弱其人續自便利則邪雖在裏未成大實欲用大黃芍藥攻除滿痛者宜少與之以胃氣尚弱易為動利也

傷寒脈浮而緩手足自溫者繫在太陰當發身黃

若小便自利者不發黃至七八日雖暴煩下利日十餘

行必自止以脾家實腐穢當去故也

平胃散加穿山甲

少陰病欲吐不吐但欲寐五六日自利而渴者屬少陰也虛故引水自救若小便色白者少陰病形悉具小便

白者以下焦虛有寒不能制水故令色白也

欲吐不吐心煩者表

邪傳裏也若腹滿痛則屬太陰此但欲寐則知屬少陰五六日邪傳少陰之時也自利不渴者寒在中焦屬太陰此自利而渴寒在下焦屬少陰按寒在下焦之說不通未聞寒在下焦而渴者小便色白下焦虛寒可知惟其虛故藉外水以自救非熱而作渴也故活人云四逆湯主之若小便不白而黃赤則不在此例故厥陰篇又曰下利欲飲水者以有

熱故也白頭翁湯主之

少陰病下利咽痛胸滿心



煩者猪膚湯

猪膚湯方

猪膚

斤一

此一味以水一斗煮取五升去

滓加白蜜一升白粉五合熬香和相得溫分六服

猪水畜也其氣先入腎少陰客熱是以猪膚解之如白蜜以潤燥除煩白粉以益氣斷利

少陰病四逆或泄利下重者四逆散

方見前條

少陰病下

利六七日欬而嘔渴心煩不得眠者猪苓湯

方見渴

少

陰病自利清水色純青心下必痛口乾燥者急下之宜

大承氣湯

孫寶大郎患傷寒經十餘日口燥舌乾而渴心中疼  
自利清水衆醫皆相守但調理耳汗下皆所不敢竇  
氏親故相謂曰傷寒邪氣害人性命甚速安可以不  
決之疾投不明之醫乎召孫至曰即日不可下明日  
正當下投小承氣湯遂大便通得睡明日平復衆皆  
曰此證緣何下之而愈孫曰不深於書徒知有書耳  
不知書之與也口燥舌乾而渴豈非少陰證乎少陰  
證固不可下豈不知少陰一證自利清水心下痛者

下之而愈仲景之書明有是說也衆皆欽服

少陰病下利惡寒而蹇手足溫者可治四逆湯少陰  
二三日至四五日腹痛小便不利下利不止便膿血者

桃花湯主之

詳腹痛

桃花湯方

赤石脂

一斤一半全用一半節末

乾薑

一斤兩

粳米一升

右三味以水七升煮米令熟去滓溫服七合內赤石

脂末方寸七日三服若一服愈餘勿服

瀉可去脫赤石脂之瀉以固腸胃辛以散之  
乾薑之辛以散裏寒粳米之甘以補正氣

少陰病二三日至四五日腹痛小便不利四肢沈重疼  
痛自下利者此為有水氣其人或欬或小便利或下利  
或嘔者真武湯主之

詳腹痛

真武湯方

茯苓

三兩

生薑

切

芍藥

各三兩

白朮

二兩

附子

一枚

炮去皮  
破八片

右五味以水八升煮取三升去滓溫服七合日三服

脾惡濕甘先入脾茯苓白朮之甘以益脾逐水寒淫  
所勝平以辛熱濕淫所勝佐以酸平附子芍藥生薑  
之酸辛以  
溫經散濕

加減法 若咳者加五味子半升細辛乾薑各一兩

氣逆咳者五味子之酸以收逆氣水寒相搏則咳細辛乾薑之辛以散水寒

若小便利

者去茯苓

小便利無伏水故云茯苓

若下利去芍藥加乾薑二

兩

芍藥之酸泄氣乾薑之辛散寒

若嘔者去附子加生薑足前成

半斤

氣逆則嘔附子補氣生薑散氣千金曰嘔家多服生薑此為嘔家聖藥

成真武北方水神也水氣在心下外帶表而屬陽必

應發散故治以真武湯青龍湯主太陽病真武湯主

少陰病少陰腎水也此湯可以和之脾惡濕腹有水

氣則脾不治脾欲緩急食甘以緩之滲水緩脾以甘為主故以茯苓甘平為君白朮甘溫為臣內經曰濕淫所勝平以酸辛除濕正氣是用芍藥酸寒生薑辛溫為佐也內經曰寒淫所勝平以辛熱溫經散濕是以附子辛熱為使也水氣內漬散行不一故有加減之方焉欬者水寒射肺也肺氣逆者以酸收之五味子酸而收也肺惡寒以辛潤之細辛乾薑辛而潤也若小便利者去茯苓茯苓專滲泄也小便不利者去

芍藥以酸澀也加乾薑以散寒也氣上逆則嘔附子補氣故去之生薑散氣故加之則氣順嘔止矣

少陰病下利清穀裏寒外熱手足厥逆脈微欲絕身反不惡寒其人面赤色或腹痛或乾嘔或咽痛或利止脈不出者通脈四逆湯主之

通脈四逆湯方

此方與四逆湯同但此倍乾薑耳

甘草

二兩炙

附子

大者一枚生用去皮破八片

乾薑

參兩強人可四兩

右三味以水三升煮取一升二合去滓分溫再服其

脈即出者愈面色赤者加葱九莖

葱味辛以通陽氣

腹中痛

者去葱加芍藥二兩

芍藥之酸通寒利腹中痛為氣不通也

嘔者加生

薑二兩

辛以散之嘔為氣不散也

咽痛者去芍藥加桔梗一兩

中咽

如結加桔梗則能散之

利止脈不出者去桔梗加人參二兩

止利

脈不出者亡血也加人參以補之經曰脈微而利亡血也四逆加人參主之脈病皆與方相應者乃可服之

少陰病下利白通湯主之

少陰主水少陰客寒不能制水故自利也白通湯溫裏散

少陰病下利脈微者與白通湯利不止厥逆無脈乾



嘔煩者白通加猪胆汁湯主之服湯後脈暴出者死微

續者生

少陰病下利脈微為寒極陰勝與白通湯復陽散寒服湯利不止厥逆無脈乾嘔煩者寒氣太

甚內為格拒陽氣逆亂也與白通湯加猪胆汁湯以和之內經曰逆而從之從而逆之又曰逆者正治從者反治此之謂也服湯脈暴出者正氣因發泄而脫也故死脈微續者陽氣漸復也故生

白通湯方

葱白

四乾薑

一附子

一枚生用去皮破八片

右三味以水三升煮取一升去滓分溫再服

內經曰腎若燥急食辛以潤之葱白之辛以通陽氣薑附之辛以散陰寒

白通加猪胆汁湯方

葱白

四乾薑

一附子

一枚生去皮破八片

人尿合五猪胆汁合

已上三味以水三升煮取一

升去滓内胆汁人尿和令相得分溫再服如無猪胆

亦可用

内經曰若調寒熱之逆冷熱必行則熱物冷服下噤  
之後冷體既消熱性便發由是病氣隨愈嘔噦皆除  
情且不違而致大益此和人尿猪胆汁誠若寒物於  
白通湯熱劑中要其氣相從則可以去格拒之寒也  
張或謂白通湯及白通加猪胆湯真武湯與通脈四  
逆湯皆為少陰下利而設除用薑附相同其餘之藥  
俱各殊異何也蓋病殊則藥異夫少陰下利寒氣已

甚非薑附則不能治然下利之理無殊而兼有之證  
不一用藥故不同耳亦各從其宜也如白通湯用薑  
附以散寒止利加蔥白以通調陽氣若利而乾嘔煩  
者寒氣太甚內為格拒薑附非煩者之所宜薑附必  
嘔而不納加人尿猪胆汁於白通湯中候溫冷而服  
之人尿猪胆汁皆鹹苦性寒之物是以納而不阻至  
其所則冷體既消熱性便發真武湯治少陰病二三  
日不已至四五日腹滿小便不利四肢沈重疼痛自

下利者為有水氣故多或為之證夫水氣者則寒濕也腎主之腎病不能制水水飲停蓄為水氣腹痛寒濕內甚也四肢沈重疼痛寒熱外甚也小便不利自下利者濕甚而水穀不能別也經曰脾惡濕甘先入脾茯苓白朮之甘以益脾逐水寒濕所勝平以辛熱濕淫所勝佐以酸辛附子芍藥生薑之酸辛以溫經散濕太陽篇中小青龍湯證亦為有水氣故多或為之證如真武湯者不殊此理也通脈四逆治少陰不

利清穀裏寒外熱手足厥逆脈微欲絕者為裏寒身  
熱惡寒而面色赤為外熱此陰甚于內格陽于外不  
相通與通脈四逆湯以散陰通陽其或為之證依法  
加減而治之已上四證俱云下利而兼有或為之證  
不一是以用藥大同而小異也 又曰或云白通湯  
用附子九四證惟真武湯一證熟用餘皆生用何也  
凡附子生用則溫經散寒非乾薑佐之則不可炮熟  
則益陽除濕用生薑相輔以為宜矣乾薑辛熱故佐

生附為用生薑辛溫少資熟附之功原佐使之玄無  
出此理然白通等湯以下利為重其真武湯證以寒  
濕為先故用藥有輕重之殊耳蓋寒濕風濕大體頗  
同如太陽下篇桂枝附子湯治寒濕相搏附子亦用  
炮熟仍用生薑以佐之其生熟之用輕重之分無過  
此理也

少陰病欬而下利譌語者被火氣劫故也小便必難以

強責少陰汗也

成欬而下利者裏寒而亡津液也反以火劫強責少陰汗者津液內竭加火氣

煩之故譟語  
小便難也

少陰病下利便膿血者可刺 少陰病

下利脈微澀嘔而汗出必數更衣反少者當其上灸之

少陰病脈緊至七八日自下利脈暴微手足反溫脈

緊反去者為欲解也雖煩下利必自愈 少陰病脈微

沈細欲臥汗出而煩欲吐自下利復煩燥不得寐者死

少陰病下利止而頭眩時時自冒者死

龐此合是少陽冒昧汗澱

然出脈勾小浮者生  
少陰無眩冒之證

少陰病惡寒身蹇而利手足逆

冷者不治

厥陰傷寒始發熱六日厥反九日而利凡厥利者當不能食今反能食者恐為除中食以索餅不發熱者知胃氣尚在必愈恐暴熱來出而復去也後三日脈之其熱續在者期之旦日夜半愈所以然者本發熱六日厥反九日復發熱三日并前六日亦為九日與厥相應故期之旦日夜半愈後三日脈之而脈數其熱不罷者此為熱氣有餘必發癰膿也

詳風

傷寒先厥後發熱下利必

自止而汗反出咽中痛者其喉為痺發熱無汗而利必



自止若不止必便膿血便膿血者其喉不痺下利寸

脈反浮數尺中自濡者必清膿血黃連阿膠湯黃芩湯成下利者脈當沈

而遲反浮數者裏有熱也濡為無血尺中濡者腸胃血散也熱隨利下必便膿血清與圓通脈經曰清者廁也

熱利下重者白頭翁湯主之利則津液少熱則傷氣氣虛下利致後重也與

白頭翁湯散熱厚腸下利欲飲水者以有熱故也白頭翁湯主

之自利不渴為藏寒與四逆以溫藏下利飲水為有熱與白頭翁湯以涼中按少陰自利而渴乃下焦虛

寒而用四逆者恐不可以渴不渴分熱寒也正當以小便黃白別之耳

白頭翁湯方 白頭翁二兩黃檗 秦皮 黃連各三兩

右四味以水七升煮取二升去滓溫一升不愈更服

一升

內經曰腎欲堅急食苦以堅之利則下焦虛是以純苦之劑堅之

下利脈數有微熱汗出今自愈設復緊為未解乾薑黃連人參

湯

下利脈數而渴者今自愈設不差必清膿血以有

熱故也黃連湯

下利脈沉弦者下重也脈大者為未止

脈微弱數者為欲自止雖發熱不死成沈為在裏弦為拘急裏氣不足是

主下重大則病進為利未止脈微數弱者邪氣微而陽氣復為欲自止雖發熱止由陽勝非太逆也

四逆之類脈大葛根黃芩黃連湯

傷寒六七日大下後寸脈沈而遲

手足厥逆下部脈不至咽喉不利唾膿血泄利不止者

為難治麻黃升麻湯主之

成傷寒六七日邪傳厥陰之時大下之後下焦氣虛陽氣

內陷寸脈遲而手足厥逆下部脈不至厥陰之脈貫膈上注肺循喉嚨在厥陰經射肺因亡津液遂成肺痿咽喉不利而吐膿血也金匱要畧曰肺痿之病從何得之被快藥下利重亡津液故得之若泄利不止者為裏氣太虛故云難治與麻黃升麻湯以調肝肺之氣

麻黃升麻湯方

麻黃

去節二兩半

升麻

當歸

各一兩二錢半

知

母

黃芩

姜

各十銖

石膏

碎髹裹

白朮

乾薑

芍藥 天門冬去心 桂枝 茯苓 甘草

炙各六錢

右十四味以水一斗先煮麻黃一兩沸去上沫內諸藥煮取三升去滓分溫三服相去如炊三斗米頃令盡汗出愈

成玉函曰大熱之氣寒以取之甚熱之氣以汗發之麻黃升麻之甘以發浮熱正氣虛者以辛潤之當歸桂薑之辛以散寒上熱者以苦泄之知母黃芩之苦涼心去熱津液少者以甘潤之茯苓白朮之甘緩脾生津肺燥氣熱以酸收之以甘緩之芍藥之酸以斂逆氣萎鞋門冬石膏甘草之甘潤肺除熱

厥陰病消渴氣上撞心中疼熱飢而不欲食食則吐

虵下之利不止

詳厥陰病

傷寒四五日腹中痛若轉氣下

趣少腹者此欲自利也

詳腹痛

脈浮而遲表熱裏寒下

利清穀四逆湯

大汗出熱不去內拘急四肢疼又下

利厥逆而惡寒者四逆湯

大汗若大下利而厥冷者

四逆湯

下利清穀不必攻表汗出必脹滿四逆湯

下利清穀裏寒外熱汗出而厥者通脈四逆湯 傷寒

先厥後發熱而利者必自止見厥復利四逆湯 下利

脈沉而遲其人面少赤身有微熱下利清穀者必鬱冒

汗出而解病人必微厥下虛故也四逆湯 下利後脈

絕手足厥冷晬時

也周時

脈還手足溫者生脈不還者死

或用白通湯  
通脈四逆湯

下利後更煩按之心下濡者虛煩也梔

子豉湯

下利譫語有燥屎也宜小承氣湯 下利手

足厥冷無脈者灸之不溫若脈不還反微喘者死 少

陰負趺陽者為順也

少陰腎水趺陽脾土下利為腎邪  
干脾水不勝土則為微邪故為順

也

下利有微熱而渴脈弱者今自愈 傷寒發熱下

利厥逆燥不得臥者死 傷寒發熱下利至甚厥不止

者死

金匱要畧曰六府氣絕於外者手足寒五臟氣絕於內者利下不禁

傷寒六七日

不利便發熱而利其人汗出不止者死有陰無陽故也

傷寒至七日為邪正相爭之時正勝則生邪勝則死始不下利而暴忽發熱下利汗出不止者邪氣勝正陽氣

脫也

傷寒下利日十餘行脈反實者死

下利者裏虛也脈當微弱

反寔者邪氣勝也故死難經曰脘脈不應病病不應脈是為死病

發熱而厥七日夜

利者為難治

發熱而厥邪傳裏也至七日傳經盡則正氣勝邪當汗出而解反下利則邪氣勝裏

氣虛為難治

戴自利須辨陰陽三陽自利各已本經見之太陽與

陽明合病下利頭痛腰疼肌熱目疼鼻乾宜葛根湯  
太陽與少陽合病下利身熱胸脇痞滿而嘔或往來  
寒熱目疼鼻乾宜大柴胡湯 大抵陽熱之利與陰  
寒之利自不同陽利糞色必焦黃熱臭出作聲臍下  
必熱得涼藥則止得熱藥愈增陰利必洞下清穀糞  
色或白或淡黃臍下多寒宜溫中止瀉之劑此陰利  
陽利指陰陽二氣而言非曰陰陽二經也緣陰中亦  
自有陽利不可因下利便以為陰也



又有內不大滿猶生寒熱未可下而便下之內虛熱入挾熱自利臍下必熱大便赤黃色及下腸間津汁垢膩名曰利腸宜白頭翁湯黃芩湯要知均為自利身不熱手足自溫者太陰身體四逆者少陰厥陰其餘身熱下利皆屬陽經然陰利有反發熱或初病無熱利後却熱或初得病即身熱繼而自利此陰非陽傳陰經之利詳見前段發熱證又有大便五六日以藥利之利遂不止用極熱劑方瘥陽有利陽有

祕當更以他證別之 外熱內煩下利上渴或痞或  
痛或嘔常法多用黃芩湯半夏瀉心湯亦可不若生  
薑瀉心湯之當或溫胆湯加入黃連其中枳殼去取  
在人

吳凡自利者不因攻下而自瀉利俗言漏底傷寒是  
也有協熱有協寒俱宜詳辨原病式曰瀉白為寒青  
黃紅黑皆為熱也大抵瀉利完穀不化色不變有如  
鷺溏或吐利腥臭小便澄澈清冷口無燥渴其脈或

沈細或遲微無力或身雖熱手足逆冷惡寒踈臥此  
皆為寒也凡熱證則口中燥渴小便或黃赤或澀而  
不利或所下如垢膩之狀其脈多數或浮或滑或弦  
或大或洪或有邪熱不殺穀其物不消化者當以脈  
證別之凡胃虛內熱煩渴瀉利脈弱者七味人參白  
朮散若發熱者參胡三白湯去黃芩加炒黃連若腹  
滿小便不利者五苓散合理中湯若嘔者加藿香半  
夏生薑陳皮如濕多而瀉不止者加蒼朮白朮如腹

脹者加厚朴腹疼不止加炒白芍肉桂木香溫之凡傷寒作利脈浮表未解者仲景以小青龍湯去麻黃加薏花二錢炒令赤色蓋散表邪兼治水也若小便不利大便水瀉不止者宜五苓散水甚不解亦加薏花一錢以行水水行利自止也凡下利不可發汗當先治利止內實正氣得復邪氣得解則汗出而愈也蓋利下由內虛若加發汗則內外皆虛變證為難治也

附

活寒毒入胃者臍下必寒腹脹滿大便黃白或青黑或下利清穀宜四逆湯理中湯白通加附子湯四逆加薤白散挾熱利者臍下必熱大便赤黃色及腸間津液垢膩宜黃芩湯白頭翁湯三黃熟艾湯薤白湯赤石脂丸三黃熟艾湯治傷寒四日而大下熱利時作白通湯諸藥多不得止宜服此湯除熱止利

黃芩 黃連 黃蘗 熟艾

半雞子大

為呖咀水煎

溫服

薤白湯治傷寒下利如爛肉汁赤帶下伏氣腹痛諸熱  
悉皆主之

豆豉

半合  
縣裏

薤白

一握

山梔

七枚

為咬咀用水二升半

先煮梔子十沸下薤白煎至二升下豉煎取一升二

合溫服

赤石脂丸治傷寒熱利 赤石脂 乾薑

炮各一兩

黃連

當歸

各二兩

右為末煉蜜丸如桐子大每服三十九米飲下日三服

濕毒氣盛者下利腹痛大便如膿血或如爛肉汁宜桃花湯地榆散黃連阿膠湯

地榆散治傷寒熱毒不解日晚即壯熱腹痛便利膿血

地榆 犀角屑 黃連炒 葛根各一兩 梔子半兩 黃芩

一兩

右咬咀每服五錢水一盞入薤白五寸同煎溫服

海黃連阿膠湯治傷寒熱毒入胃下利膿血 黃連炒

兩 山梔半兩 阿膠炒 黃檗各一兩 為呔咀每服四錢

水煎服

雲傷寒汗下後大小便利者腹中痛者燥腸丸 附子

炮一 龍骨半兩 乾薑一兩 吳茱萸 栗殼 訶黎皮各半

兩

右為細末酒糊丸桐子大每服三十丸溫水下利止

勿服



傷寒汗下後裏急後重下利者宜七宣丸 大黃一兩木

香 栝榔 柴胡 訶子皮 甘草各半兩 桃仁十三

枚去  
皮尖

右為細末煉蜜丸如桐子大每服五十九丸溫水下

傷寒汗下後氣逆利不止者寒也宜枳實芍藥甘草湯

芍藥 甘草 枳實炒 乾薑炮各半兩 為咀每服

五錢水煎服

厥陰病

氣上衝心 饑不欲食 吐衄虫  
厥少腹滿 囊縮

厥陰之為病煩滿囊縮其脈尺寸俱微緩若微浮為欲解不浮為未愈宜小建中湯脈浮緩者必囊不縮外證必發熱惡寒似瘧為欲愈宜桂枝麻黃各半湯若尺寸脈俱沈短者必是囊縮毒氣入藏宜承氣湯下之大抵傷寒病藏府傳變陽經先受病故次第傳入陰經以陽主生故太陽水傳足陽明土土傳足少陽木為微邪也陰主殺故木傳足太陰土土傳足少陰水水傳足厥陰木至六七日當傳厥陰肝木必移氣尅於脾土脾再

受賊邪則五藏六府皆困而危殆榮衛不通耳聾囊縮  
不知人而死矣速用承氣湯下之可保五死一生古人  
云脾熱病則五藏危又云土敗木賊則死若第六七日  
傳厥陰脈得微緩微浮為脾胃脈也故知脾氣全不再  
受尅邪無所容否極泰來榮衛將復水升火降則寒熱  
作而大汗解矣

厥陰經治法有汗下吐溫和解灸

汗 麻黃升麻湯 桂枝湯 桂枝茯苓白朮湯

下

小承氣湯 三黃瀉心湯

吐

瓜蒂散 梔子豉湯

溫

烏梅丸 真武湯 當歸四逆湯

當歸四逆加吳茱萸生薑湯 吳茱萸湯

附子乾薑湯 理中湯 通脈四逆湯

和解

甘桔湯 白虎湯 乾薑黃連黃芩人參湯

白頭翁湯 小柴胡湯

灸

厥陰 脈促灸 下利厥灸

內經曰尺寸俱微緩者厥陰受病也其脈循陰器絡于

肝故煩滿而囊縮

查厥陰篇開囊縮證楊仁齋曰婦人則乳縮。龐氏曰微緩者囊必不縮

若外證發熱惡寒似瘧為欲愈候宜桂枝麻黃各半湯也若尺寸俱沈短者囊必縮宜承氣湯下之

厥陰之為病消渴氣上撞心中疼熱飢而不欲食食即

吐衄下之利不止

成邪傳厥陰則熱已深也邪自太陽傳至太陰則腹滿而噎乾未成渴也

邪至少陰者口燥舌乾而渴未成消也至厥陰成消渴者熱甚能消水故也飲水多而小便少者謂之消渴木

能生火火生於木肝氣通心厥陰客熱氣上衝心中疼熱傷寒六七日厥陰受病之時為傳經盡則當入府

胃虛客熱飢不欲食衄在胃中無食則動聞食臭而出得食吐衄此熱寒厥陰經也若便下之虛其胃氣厥陰

木邪相乘必下利不止。  
烏梅丸桂枝白朮茯苓湯

桂枝去桂加茯苓白朮湯方芍藥 茯苓 白朮各

錢甘草 水一盞半生薑三片棗二枚煎至八

分去滓服

厥陰病渴欲飲水者少少與之愈 厥陰中風脈微浮

為欲愈不浮為未愈 厥陰病欲解時從丑至卯上

木也旺於丑寅  
卯向旺為解時

戴下利清穀者陰中之陰宜進通脈四逆湯或當歸

四逆湯加生薑茱萸舌卷囊縮不持陰中之陰有之  
陽明之熱陷入厥陰亦有之蓋陽明主宗筋宗筋為  
熱毒風所攻故弗榮而急引舌與羣九故舌卷囊縮  
當瀉陽以救陰宜大承氣湯陽傳太陰而利故用小  
建中湯及小柴胡湯去黃芩加芍藥此一藥治太陰  
泄利腸鳴而痛已利而痛為虛虛則腸鳴而為傳陰  
之陽氣漸微不敢過用冷劑但以芍藥通壅爾

氣上衝心

成氣上衝者腹裏氣時時上衝也此汗吐下後之疾雖經下之邪猶在表故也痞病氣上衝咽喉亦由誤汗吐下而生又有病如桂枝證胸中痞氣上衝咽喉不得息瓜蒂散蓋未經汗吐下作膈實故宜吐也厥陰氣上撞心易病氣上衝尤宜消息按條而施治焉

氣撞心疼吐衄者厥陰本病也如氣上衝不吐衄者為陽證若衝咽不得息者瓜蒂散吐之往來寒熱者奔豚陰拘攣者陰陽易卒口噤者剛瘕與汗吐下之後各有



施治方法學者詳之 厥陰本病方論已見前條

病如桂枝證頭不痛項不強寸脈微浮胸中痞鞭氣上衝咽喉不得息者此為胃有寒也當吐之宜

瓜蒂散

瓜蒂

炒黃

赤小豆

各一分

共研為細末取一錢

用豉一合湯七合先漬之須臾煎成稀糜去渣取汁相和溫頓服不吐少少加得快吐乃止諸亡血虛家不可與服

活瓜蒂散每服一錢七藥下便卧欲吐且忍之良久不

吐取三錢七湯三合和服以手指探之便吐不吐復稍增之以吐為度若吐少病不除明日如前法再吐之不可令人虛也如藥力過時不吐飲熱湯一升以助藥力吐訖便可食無更服若服藥過多者飲水解之

奔豚氣上衝胸腹痛往來寒熱奔豚湯主之

方論見雜病積聚門

陰陽易少腹裏急引陰中拘攣熱上衝胃頭重不欲舉

眼中生花者宜燒視散

論見陰陽易

氣上衝胸口噤不得語欲作剛瘕者宜葛根湯

論見雜病瘕門

燒鍼令其汗鍼處被寒核起而赤者必發奔豚氣從少腹上衝心者灸其核各一壯與

桂枝加桂湯

桂枝二兩半

芍藥

生薑

各一兩半

甘草一大兩

棗六枚

右咬咀每服五錢水煎溫服

桂枝加桂以能洩奔豚氣也

動氣發汗則氣上衝正在心端

論見動氣

太陽下後其氣

上衝者可與桂枝湯方用前法若不上衝者不可與之傷寒吐下後心下逆滿氣上衝胸頭眩脈沈緊若發汗

則動經身為振搖者茯苓白朮甘草湯

方見振搖

傷寒吐

下後發汗虛煩脈甚微八九日心下痞鞭脇下痛氣上衝咽喉眩冒經脈動惕者久而成痿

附

活李根湯治氣上衝正在心端 半夏 當歸 芍藥

生薑 茯苓 桂枝 黃芩 甘草 甘李根白

皮

各等分

右咬咀每服五錢水煎溫服

飢不欲食

飢不欲食食則吐虺者厥陰病

論見氣上衝心

手足厥冷脈

乍緊心煩飢不能食者邪在胃中宜瓜蒂散吐之

詳厥

太陽病吐發汗出發熱不惡寒關脈細數腹中飢口不

能食朝食暮吐者此為小逆

論見發熱

陽明病下後心中

懊懣飢不欲食但頭汗出者宜梔子豉湯

論見煩

吐虺蟲

氣上衝心疼飢不欲食吐虺者厥陰病

桂枝白朮茯苓湯理中安虺散

虵厥者其人當吐虵今病者靜而復時煩此為藏寒

虵上入膈故煩須臾復止得食而嘔又煩者虵聞食臭

出其人當自吐虵厥者烏梅圓主之

虵厥者其人手足冷而吐虵也

藏厥者死陽氣絕也虵厥雖厥而煩吐虵已則靜不若藏厥之燥無暫安時也病人藏寒胃虛虵動上鬲聞食臭出因而吐虵舌燥口乾常欲冷冷飲浸口不欲嚥虵上煩躁昏亂欲死兩手脈沈遲足冷至膝甚者連虵并尿俱出大便秘而不行此證雖出多可救治也宜加味理中安虵散烏梅圓治之

病人有寒復

發汗胃中冷必吐虵

活人云先服理中凡次服烏梅圓

烏梅丸方

烏梅

三百箇

細辛

附子

炮

桂枝

去皮

人參

黃檗

兩各六

當歸

蜀椒

去汗各四兩

乾薑

十兩黃連一

右十味異搗篩合治之以苦酒漬烏梅一宿去核蒸之五升米下飯熟搗成泥和藥令相得內白中與蜜杵二千下丸如梧桐子大先食飲服十九日三服稍加至二十九禁生冷滑物臭食等

肺主氣肺欲收急食酸以收之烏梅之酸以收肺氣脾欲緩急食甘以緩之人參之甘以緩脾氣寒淫於內以辛潤之以苦堅之當歸桂椒細辛之辛以潤內寒寒淫所勝平以辛熱薑附之辛熱以勝寒虵得甘則動得苦則安黃連黃檗之苦以安虵

理中安虵散 陶尚文秘方累用之效

人參

錢三

白朮

白茯苓

乾薑

各一錢半

川椒

十四粒

烏梅

三枚

右作一服水二鍾煎七分服凡治虵不可用甘草并甜物蓋虵虫得甘則動於上得苦則安得酸則止得川椒之辛則頭伏於下也凡吐虵未止加黃連黃檗各五分川椒十四粒若足冷甚者必加附子半錢或三錢量病輕重斟酌之



戴胃中冷必吐虵吐虵人皆知為陰也然亦有陽證吐虵者蓋胃中空虛既無穀氣故虵上而求食至咽而吐又看別證如何不可專以胃冷為說曾記一人陽黃吐虵又大發斑陽毒證口瘡咽痛吐虵皆以冷劑取效是亦有陽證矣

厥 四逆 尸厥附

四逆者四肢不溫厥者手足冷夫邪在三陽則手足熱傳到太陰則手足溫至少陰則逆而不溫至厥陰則為

之厥甚于逆也蓋自熱至溫而四逆至厥者傳經之邪也四逆散主之始得之便厥是陰經受邪陽氣不足四逆湯主之

王仲景言四逆與厥者非一或曰四逆或曰厥或曰厥逆厥冷厥寒或曰手足逆冷手足厥逆手足厥冷手足厥逆冷俱是言寒冷耳故厥逆二字每每互言未嘗分逆為不溫厥為冷也既不曰溫則為冷矣尚何異乎然四肢與手足却有所分以四字加逆字之上者是通指

手足臂脛以上言也以手足字加厥逆厥冷等上及無  
手足字者是獨指手足言也雖然厥逆俱為寒冷却有  
陰陽之殊熱極而成厥逆者陽極似陰也仲景以四逆  
散寒藥治之是也寒極而成厥逆者獨陰無陽也仲景  
雖無四逆湯熱藥治四逆之條但四逆湯之名由四肢  
之冷而立今以四逆湯治手足厥冷豈非逆厥之不異  
乎成氏既謂四逆為熱邪至少陰病死證二條下又謂  
四逆為寒甚不自悖其說乎是知四逆亦猶厥之有寒

有熱但四肢通冷比之手足獨冷則有間耳故仲景曰  
少陰病吐利煩燥四逆者死又曰少陰病四逆惡寒而  
趺脈不至不煩而燥者死又曰少陰病吐利手足厥冷  
煩燥欲死者吳茱萸湯此三條二為死一為可治雖通  
由諸證兼見而然然死者以四逆言可治者以厥冷言  
可見四逆重於厥冷矣成氏謂厥甚于逆豈不謬哉

按凡言四逆或言厥言逆者皆為重證若舉四肢而  
言耳言指頭寒言手足厥與逆與冷者皆為厥微蓋

手之上為腕腕上為臂足之上為踝踝之上為脛也  
其病之輕重淺深皆寓于書法之中不可不審自  
熱至溫自溫至厥乃傳經之邪四逆散主之厥逆大  
便秘小便赤或大便黑脈沈而滑此為陽證似陰白  
虎湯甚者大承氣湯不可誤也

太陽傷寒脈浮自汗出小便數心煩微惡寒腳攣急反  
與桂枝湯欲攻其表此誤也得之便厥咽中乾煩燥吐  
逆者作甘草乾薑湯與之 太陽中風脈浮緊發熱惡

寒身疼痛不汗出而煩燥者大青龍湯主之若脈微弱汗出惡風者不可服服之則厥逆筋惕肉瞤此為逆也

真武湯 方見下利 太陽止有二  
證皆誤發表所致汗多亡陽故溫之

甘草乾薑湯方

甘草

炙四兩

乾薑

二兩炮

右咬咀以水三升煮取一升五合去滓分溫再服

內經曰辛甘發散為陽甘草乾薑相合以復陽氣

陽明病反無汗而小便利二三日嘔而欬手足厥者必苦頭痛若不欬不嘔手足不厥者頭不痛 傷寒脈滑

而厥者裏有熱也白虎湯主之 三陽合病腹滿身重  
難以轉側口不仁而面垢譫語遺尿發汗則譫語下之  
則額上生汗手足逆冷若自汗出者白虎湯主之

少陰病吐利手足厥冷煩燥欲死者吳茱萸湯

方見吐

少陰病下利脈微者與白通湯利不止厥逆無脈乾嘔  
煩者白通加猪胆汁湯脈暴出者死微續者生 少陰  
病下利清穀裏寒外熱手足厥逆脈微欲絕身反不惡  
寒其人面色赤或腹痛或乾嘔或咽痛或利止脈不出

者通脈四逆湯

俱見下利

少陰病四逆其人或欬或悸或

小便不利或腹中痛或泄利下重者四逆散

方見少陰病按言四

者四肢之省丈也四肢者自指至肘足至膝是也其邪為深凡言手足者自指至腕足至踝而已其邪為淺仲景下字不苟得之則輕重淺深一覽了然矣趙仲景上文但云少陰病四逆活人第八十問中改作四肢厥逆設遇寒厥下利腹痛而咳者依其言而用四逆散之涼劑可乎夫邪自陽經入裏而厥者是熱極而厥也是或可用若直入陰經之寒邪而欲厥者是為以水濟水尤當戒之學者宜詳究焉

少陰病惡寒身踈而利手足逆冷者不治 少陰病吐

利煩燥四逆者死 少陰病四逆惡寒而身踈脈不至



不煩而燥者死 少陰病但厥無汗而強發之必動其

血未知從何道出或從口鼻或從目出是名下厥上竭

為難治

其俱厥無汗熱入裏而外寒甚也當溫之而強發其汗則衛寒甚而汗不能出必內傷其榮血而

妄行也諸厥者皆屬下但厥為厥為下厥血亡於上為上竭

厥陰傷寒先厥後發熱而利者必自止見厥復利

四逆散

張或云三陰經傷寒太陰為始則手足溫少陰則手足清厥陰則手足厥逆然病至厥陰乃陰之極也則故反有發熱之理蓋陽極則陰生陰極則陽生此陰陽推盪必然之理也易云窮則變窮者至極之謂也陽至極而生陰故陽病有厥冷之證陰至極而生陽則厥逆者有發熱之條凡言厥深熱亦深者乃事之極而變之常經

曰亢則善承  
乃利是也

傷寒厥而心下悸者宜先治水當服茯

苓甘草湯却治其厥不爾水漬入胃必作利也

成金匱要畧曰

水停心下甚者則悸厥雖寒勝然以心下悸為水飲內甚先與茯苓甘草湯治其水然後治其厥若先治厥則水飲浸漬入胃必作下利

茯苓甘草湯方

茯苓

桂枝

去粗皮各二兩

生薑

三兩切

甘草

炙一兩

右四味以水四升煮取二升去滓分溫三服

茯苓甘草之甘益津而和衛桂枝生薑之辛助陽氣而解表

傷寒六七日大下後寸脈沈而遲手足厥逆下部脈不

至咽喉不利吐膿血泄利不止者為難治麻黃升麻湯

主之

方見下利

手足厥寒脈細欲絕者當歸四逆湯主之

成手足厥寒者陽氣外虛不溫四末脈細欲絕者陰血內弱脈行不利與當歸四逆湯助陽生陰也

當歸四逆湯方

當歸

桂枝

去粗皮

芍藥

細辛

各三兩

甘草

炙通草

各二兩

大棗

二十五枚擘

右七味以水八升煮取三升去滓溫服一升日三服

內經曰脈者血之府也諸血者皆屬心通脈者必先補心益血苦先入心當歸之苦以助心血心苦散急

食酸以收之芍藥之酸以收心氣肝苦急食甘以緩之大棗甘草通草之甘以緩陰血也

下利脈沈而遲其人面少赤身有微熱下利清穀者必鬱冒汗出而解病人必微厥所以然者其面戴陽下虛故也 下利後脈絕手足厥冷時脈還手足溫者生脈不還者死 下利清穀裏寒外熱汗出而厥者通脈四逆湯 大汗出熱不去內拘急四肢疼又下利厥逆而惡寒者四逆湯 病人手足厥冷脈乍緊者邪結在胸中心中滿而煩飢不能食者病在胸中當須吐之宜

瓜蒂散

方見氣上衝心

傷寒一二日至四五日而厥者必發

熱前熱者後必厥厥深者熱亦深厥微者熱亦微厥應

下之而反發汗者必口傷爛赤

傷寒一二日至四五日而厥者必發熱是傳經

之邪前熱後厥者亦傳經之邪當以厥之微甚辨熱之深淺若厥熱入府而寔者須下去之若反發汗則胃中津液愈燥竭而熱故必口傷爛赤然經云諸四逆者不可下之至此又云應下最宜詳審先賢謂熱厥手足雖厥冷而或有溫時手足雖逆冷而手足掌心必煖戴院使又以指甲之煖冷別熱寒二厥臨病之工慎之

諸四逆厥者不可下虛家亦然傷寒五六日不結胸

腹濡脈虛復厥者不可下此為亡血下之死傷寒脈

促手足厥逆者可灸之

診凡厥者陰陽氣不相順接便為厥厥者手足逆冷是

也

成手之三陰三陽相接於手十指足之三陰三陽相接於足十指陽氣內陷陽不與陰相順接故手足為

之厥冷也

傷寒發熱四日厥反三日復熱四日厥少熱多

其病當愈四日至七日熱不除者其後必便膿血

成後熱

厥者陽邪傳表也發熱為邪氣在表至四日後厥者傳之陰也後三日復傳陽經則復熱厥少則邪微熱多為陽勝其病為愈至七日傳經盡熱除則愈熱不除者為熱氣有餘內傳厥陰之血其後必大便膿血傷

寒厥四日熱反三日復厥五日其病為進寒多熱少陽

氣退故為進也

傷寒始發熱六日厥反九日而利凡

厥利者當不能食今反能食者恐為除中食以索餅不  
發熱者知胃氣尚在必愈恐暴熱來出而復去也後三  
日脈之其熱續在者期之旦日夜半愈所以然者本發  
熱六日厥反九日復發熱三日并前六日亦為九日與  
厥相應故期之旦日夜半愈後三日脈之而脈數其熱  
不罷者此為熱氣有餘必發癰膿也

成始發熱邪在表也至六日邪傳厥

陰陰氣勝者作厥而利厥反九日陰寒氣多當不能食而反能食者恐為除中除去也中胃氣也言邪氣大甚

除去胃氣胃欲引食自救故暴能食此邪勝也食以索餅試之若胃氣絕得麴則必發熱若不發熱者胃氣尚在也恐是寒極變熱因暴熱來而復去使之能食非除中也金匱要畧曰病人素不能食而反暴思之必發熱後三日脈之其熱續在者陽氣勝也期之旦日夜半愈若旦日不愈後三日脈數而熱不罷者為熱氣有餘必發癰膿經曰數脈不時則生惡瘡

傷寒病厥五日熱亦五日設六日

當復厥不厥者自愈厥終不過五日以熱五日故知自

愈

成陰勝則厥陽勝則熱先厥五日為陰勝至六日陽復勝熱亦五日後復厥者陰復勝若不厥為陽全勝

故自愈經曰發熱四日厥反三日復熱四日厥少熱多其病為愈

傷寒熱少厥微指

頭寒默默不欲食煩躁數日小便利色白者此熱除也



欲得食其病為愈若厥而嘔胃脇煩滿者其後必便血

指頭寒者是厥微熱少也默默不欲食煩躁者邪熱初傳裏也數日之後小便色白裏熱去欲得食為胃氣已

和其病為愈設未欲食宜乾薑甘草湯嘔而胃脇煩滿者少陽證也少陽與厥陰為表裏邪干其府故嘔而胃

脇煩滿也肝主血故後必便血

少腹滿痛而厥為冷結關元詳少腹滿痛

發熱而厥七日下利者為難治 傷寒六七日脈微

手足厥冷煩燥灸厥陰厥不還者死厥陰六穴豈按四時灸并禁俞經合

耶 傷寒發熱下利厥逆躁不得臥者死 傷寒發熱

下利至甚厥不止者死 下利手足厥冷無脈者灸之

不溫若脈不還反微喘者死

附

活冷厥者初得病日便四肢逆冷脈沈微而不數足多  
攣臥時惡寒或自引衣蓋覆不飲水或下利清穀或清  
便自調或小便數外證多惺惺而靜脈雖沈實按之遲  
而弱者知其為冷厥也四逆湯理中湯通脈四逆湯當  
歸四逆湯當歸四逆加吳茱萸生薑湯白通加猪胆汁  
湯隨證用之

熱厥者初中病必身熱頭痛外別有陽證二日至四五日方發厥兼熱厥者厥至半日却身熱蓋熱氣深方能發厥須在二三日後也若微厥却發熱者熱深故也其脈雖伏按之而滑者為裏熱其人或畏熱或飲水或揚手擲足煩躁不得眠大便秘小便赤外證多昏憤者知其熱厥也白虎承氣湯隨證用之

又有下證悉具而見四逆者是失下後血氣不通四肢便厥醫人不識却疑陰厥復進熱藥禍如反掌大抵熱

厥須脈沈伏而滑頭上有汗其手雖冷時復指爪溫須用承氣湯下之不可拘忌也

諸手足逆冷皆屬厥陰不可汗下然有須汗須下者正謂手足雖逆冷時有溫時手足掌心必煖非正厥逆也當消息之

海厥陰證四肢厥冷爪甲青脈沉疾按之有力者為陽則當下宜大承氣湯如脈沈遲按之無力者為陰則當溫宜四逆湯更須速灸之

羅省掾曹德裕男婦二月初病傷寒八九日請予治之  
脈得沈細而微四肢逆冷自利腹痛目不欲開兩手  
嘗抱腋下昏昏嗜臥口舌乾燥乃曰前醫者留白虎  
加人參湯可服否予曰白虎雖云治口燥舌乾若只  
此一句亦未然今此證不可服白虎者有三傷寒證  
云立夏以前立秋以下不可妄用一也太陽證無汗  
而渴者不可用二也況病人陰證悉具其時春氣尚  
寒三也仲景云下利清穀急當救裏宜四逆湯五兩

人參一兩生薑十餘片連鬚葱白九莖水五大盞同煎至三盞去滓分三服一日服之至夜則止手足溫翌日大汗而解繼之以理中湯數服而愈孫真人習業論云凡欲為太醫必須精讀甲乙素問黃帝鍼經明堂流注十二經絡三候九部本草藥性仲景淑和並須精熟如此方為太醫不則猶無目夜遊動致顛隕執此用藥者再思可矣

陽證治驗真定府趙吉夫年三十三至元五月間因勞

役飲食失節傷損脾胃時發煩燥而渴又食冷物過度遂病身體困倦頭痛四肢逆冷嘔吐而心下痞醫人不察見其四肢逆冷嘔吐而心下痞乃用桂枝末三錢匕熱酒調下仍以綿衣覆之作陰毒傷寒施治須臾汗大出汗後即加口乾舌澀眼白時紅項強鞭肢體不柔和小便淋赤大便秘澀循衣摸床如發狂狀問之則言語錯亂視其舌則赤而欲裂朝輕暮劇凡七八日家人輩悉謂危殆不望生全隣人吉仲完

舉予治之診其脈七八至知其熱證明矣遂用大承氣湯苦辛大寒之劑一兩作一服服之利下三行折其勝勢翌日以黃連解毒湯大苦寒之劑二兩徐徐服之以去其熱三日後病十分中減五六更與白虎加人參湯約半觔服之瀉熱補氣前證皆退戒以慎起居節飲食月餘漸得平復內經曰凡用藥者無失天時無逆氣宜無翼其勝無贊其復是謂至治又云必先歲氣無伐天和當暑氣方盛之時聖人以寒涼



急救腎水之原補肺金之不足雖有客寒傷人仲景  
云用麻黃湯內加黃芩知母石膏之類恐發黃發斑  
又用桂枝湯之戒況醫以桂末熱酒調服所謂差之  
毫釐謬以千里逆仲景之治法經云不伐天和不贊  
其復不翼其勝不失氣宜不然故疾未已新病起矣  
用熱遠熱從乎中治友人劉巨源年六十五歲至正夏  
月因勞役飲食失節又傷冷飲得疾醫者往往以為  
四時證治之不愈逮十日請予治診之右手三部脈

沈細而微太陰證也左手三部脈微浮而弦虛陽在表也大抵陰多而陽少今所苦身體沈重四肢逆冷自利清穀引衣自覆氣難布息懶言語此脾受寒濕中氣不足故也仲景言下利清穀急當救裏宜四逆湯溫之內經有用熱遠熱之戒口乾但漱水不嚥旦晨身涼而肌生粟午後煩躁不欲去衣昏昏睡而面赤隱隱紅斑見於皮膚此表實裏虛故也內虛則外證隨時而變詳內外之證乃飲食勞倦寒傷於脾胃

非四時之證明矣治病必察其下今適當大暑之時而得內寒之病以標本論之時為標也病為本也用寒藥則順時而違本用熱藥則從本而逆時此乃寒熱俱傷必當從乎中治中治者溫之是也遂以錢氏白朮散加升麻就本方加葛根甘草以解其班少加白朮茯苓以除濕而利小便人參藿香木香和脾胃進飲食咬咀一兩煎服再服斑退而利止身溫而神出次服異功散治中湯辛溫之劑一二服五日得平

止藥或曰病雖稍愈勿藥可乎予曰藥攻邪也內經  
曰治病以平為期邪氣既去強之以藥變證隨起不  
若以飲食調養待其真氣來復此不藥而藥不治而

治之理旬日良愈

必察其下者譙甫  
謂時下之宜也

活若病人寒熱而厥面色不澤冒昧而兩手忽無脈或  
一手無脈者必是有正汗也多用綿衣裹手足令溫煖  
急服五味子湯或兼與麻黃細辛甘草湯之類服之晷  
時必有大汗而解矣

五味子湯治傷寒喘促脈伏而厥 人參 麥門冬去心

杏仁

去皮尖

生薑

陳皮

各二錢半

大棗

二枚

五味子

半兩

為哎咀水煎服

戴陰陽之病皆能發厥故有陽厥有陰厥皆病之深也二厥惟陽厥易誤當問其初得病如何若初得病頭不痛四肢逆冷足多攣臥而惡寒或汗自引衣蓋覆或不渴或利清穀或小便自調人多惺惺而靜此寒厥也是為陰中之陰宜四逆湯附子理中湯若初

得病頭痛身熱外別有陽證至五六日方發厥其人  
雖厥或畏熱或飲水或揚手擲足煩躁不得眠大便  
秘小便赤多昏憤者此熱厥也是為陰中之陽宜白  
虎湯或大承氣湯熱厥雖手足冷而指甲却煖不若  
寒厥并指甲俱冷此辨陰陽要法也 近有陽病自  
腰以上極熱兩腳常冷蓋三陰脈上不至頭故頭不  
疼三陽脈下不至足故足冷也 南陽謂傷寒手足  
必微冷若手足自溫者係太陰也說次分曉若陽關

手足安得微冷少陽厥陰而大冷安得言微冷但當  
言三陰經少陰厥陰手足厥冷惟有太陰手足自溫  
耳

陶陰陽二厥治之一差死生立判陽厥者先自三陽  
氣分因感寒邪起于頭痛發熱惡寒已後傳進三陰  
血分變出四肢厥逆乍溫大便秘實譫語發渴揚手  
擲足不惡寒反怕熱或腹痛後重泄利稠粘小便赤  
澀脈沈有力此見傳經熱證謂之陽厥陽極發厥者

即陽證似陰外雖有厥冷內有熱邪耳蓋因大便失  
下使血氣不通故手足乍冷乍溫也如火煉金熱極  
金反化水寒極水反成冰而能載物厥微熱亦微四  
逆散厥深熱亦深大承氣若不明此復投熱藥如抱  
薪救火夫陰厥者乃三陰血分自受寒邪初病無身  
熱頭痛就便惡寒四肢厥冷直至臂頸已上過乎肘  
膝不溫引衣蹠臥不渴兼或腹痛吐瀉小便清白或  
戰慄面如刀割口吐涎沫脈沈遲無力此為陰經直



中真寒證不從陽經傳入謂之陰厥也輕則理中重則四逆又有病自陽經傳入目下係陰證而厥者亦陰厥也且夫人之手足乃胃土之末凡脾胃有熱手足必熱脾胃有寒手足必寒此理之常也至于亢極反成蕪化此又事之變也學者於此宜致力焉

吳大抵傷寒發厥正氣已極宜速加治夫陽厥者必先因熱甚不解而致劉河間謂肢體厥冷惟心胸有熱大便秘者以涼膈散養陰退陽不宜速下若大便

不秘者以黃連解毒湯主之凡厥證可下者內有燥尿也以手摩病人臍腹或鞭滿或痛者是也若腹中轉失氣氣出極臭者或繞臍刺痛者以有燥屎也輕則調胃承氣重則大承氣或用涼水調下玄明粉一二錢亦佳或用雞清入蜜水和一甌調入好芒硝末二三錢最效大抵陽厥以脈滑別之則無差也凡陰厥者必先因腎氣虛寒或復著外寒或誤服寒涼之藥或誤下之則積陰盛于下微陽衰于上遂發厥逆

其脈沈細而微按之全無者是也宜四逆湯急溫之  
冷甚者治例與陰毒同也凡尸厥者經言少陰脈不  
至腎氣微奔氣促迫宗氣反聚血結心下陽氣退下  
熱歸陰股而為尸厥也急宜刺期門巨闕昔扁鵲治  
虢太子病尸厥針三陽五會穴而愈蓋以陽脈下墜  
陰脈上爭宗氣聚而不通上有絕陽之絡下有破陰  
之紐破陰絕陽之色以發脈亂故形靜厥冷昏沉如  
死人之狀名曰尸厥宜陰毒例中求之 凡傷寒寒

熱而厥面色不澤冒昧兩手無脈或一手無脈此將  
有好汗出如亢陽欲雨之狀多用綿衣包煖手足急  
用五味子湯或蕪與桂枝麻黃各半湯汗之而愈若  
脈不至汗不出者死

針灸治傷寒手足逆冷

大都一分

傷寒六脈俱無

復溜

補大回六脈

合谷

中極

支溝

一寸

半此大和脈絕穴

復溜

順骨而下

巨闕

三十分

氣衝

灸七壯

尸厥少陰脈不至腎氣微少精血奔氣促迫上入胸膈

榮氣反聚血結心下陽氣退下熱歸陰股與陰相動令身不仁此為尸厥當刺期門

少腹滿 少腹急

臍下為少腹夫胸中滿心下滿皆氣也腹滿者多有燥屎也少腹滿者有物聚也蓋身半已上同天之陽身半已下同地之陰清陽出上竅濁陰出下竅故在上滿者氣也在下滿者物也物者溺與血爾邪結下焦則津液不通血氣不行或溺或血流滯而脹滿也若小便利者

畜血之證小便不利溺瀦證也俱是熱病惟冷結膀胱少腹滿一證為寒病有手足厥冷為可辨

太陽傷寒表不解乾嘔發熱而欬或小便不利少腹滿

者小青龍去麻黃加茯苓湯主之

詳欬

太陽病六七日

表證仍在脈微而沈反不結胸其人發狂者以熱在下

焦少腹當鞭滿小便自利者下血乃愈所以然者以太

陽隨經瘀熱在裏故也抵當湯主之

成太陽經也脇臍府也此太陽瘀熱

隨經入府者也六七日者邪氣傳裏之時也脈微而沈邪氣在裏之脈也表證仍在者則邪氣猶淺當結於胸

中若不結於胸中其人發狂者熱結在膀胱也經曰熱結膀胱其人如狂此發狂則熱又深也少腹鞭滿小便不利者為無血也小便自利者血證諦也與抵當湯以下畜血

傷寒有熱少腹滿應

小便不利今反利者為有血也當下之不可餘藥宜抵

當丸

成傷寒有熱少腹滿是畜血於下焦若熱畜津液不通則小便不利其熱不畜津液而畜血不行小

便自利者乃為畜血當與桃仁承氣湯抵當湯下之然此無身黃尿黑又無喜忘發狂是未至於甚故不可與其餘峻之藥也可與抵當丸小可下之也

太陽病身黃脈沈結少腹鞭

小便不利者為無血也小便自利其人如狂者血證諦

也抵當湯主之

身黃脈沈結少腹鞭小便不利者胃熱發黃也可與茵陳湯身黃脈沉結少腹

鞭小便利自利其人如狂者非胃中痰熱為熱結下焦而為畜血也與抵當湯以下畜血

太陽病

重發汗而復下之不大便五六日舌上燥而渴日晡所

小有潮熱從心下至少腹鞭滿而痛不可近者大陷胸

湯主之

活人曰晝夜譫語喜忘少腹滿小便利男子為瘀血婦人為熱入血室抵當湯

厥陰尺寸脈微緩者厥陰受病也當六七日發其證少

腹煩滿而囊縮病者手足厥冷言我不結胸小腹滿

按之痛者此冷結在膀胱關元也

小腹下焦所治當膀胱上口主分別清濁

真武湯

或用

脇下素有痞連在臍傍痛引少腹入陰筋者



名藏結死或云此有動氣犯汗吐下者死

少腹急太陽病不解熱結膀胱其人如狂血自下下者

愈其外不解者尚未可攻當先解外外解已但少腹急

結者乃可攻之宜桃核承氣湯

湯下血抵當湯解表桂枝

陽經邪熱不解隨經入府為熱結膀胱其人如狂者為  
未至於狂但不寧爾經曰其人如狂者以熱在下焦太  
陽多熱熱在膀胱必與血相搏若血不為畜為熱迫之  
則血自下血下則熱隨血出而愈若血不下者則血為  
熱搏畜積于下而少腹急結乃可攻之與桃核承氣湯  
下熱散血內經曰從外之內而盛於內者先治其外後  
調其內此

身重少氣少腹裏急或引陰中拘攣熱上

衝胸為陰陽易病

治見本門

囊縮

仲景無治法今采南陽海藏治法補之

扁鵲曰舌卷囊縮者死孫真人曰陰陽易病卵縮則舌吐死凡囊縮有熱極而縮者有冷極而縮者凡熱極者有可下冷極者宜急溫之下之宜大承氣湯溫之宜附子四逆加茱萸湯並艾灸關元氣海葱熨等法治之活傷寒六七日煩滿囊縮其脈尺寸俱微緩者足厥陰肝經受病也厥陰病其脈微浮為欲愈不浮為未愈宜

小建中湯脈浮緩者必囊不縮外證必發熱惡寒似瘧  
為欲愈宜桂枝麻黃各半湯若尺寸俱沈短者必是囊  
縮毒氣入腹宜承氣湯下之大抵傷寒病藏府傳變陽  
經先受病故次傳入陰經以陽主生故太陽水傳足陽  
明土土傳足少陽木為微邪也陰主殺故木傳足太陰  
土土傳足少陰水水傳足厥陰木至六七日當傳厥陰  
肝木必移氣尅於脾土脾再受邪則五藏六府皆因而  
危殆榮衛不通耳聾囊縮不知人而死矣速用承氣湯

下之可保五生一死古人云脾熱病則五藏危又土為木賊則死若第六七日傳厥陰脈得微緩微浮為脾胃脈也故知脾氣全不受尅邪無所容否極泰來榮衛將復水升火降則寒熱作而大汗解矣

海厥陰證者煩滿囊縮大小便不通發熱引飲腹滿尺寸脈微緩煩者火也滿者水也雖不吐虵囊縮但急者亦木也火與木相合四肢厥逆而爪甲青大小便不通地道塞也發熱引飲邪氣在裏宜溫之下之

已上諸證大小便俱通地道不塞不發渴不引飲邪不在裏則宜溫之灸之則裏外相接以復陽氣宜服

### 正陽散

### 正陽散方

麝香

一錢細研性辛溫治腹急滿痞風毒

乾薑

炮

甘草

炙各二錢

半附子

一兩炮去皮臍味辛鹹溫治風利竅療腹滿裏縮

皂莢

二兩酥炙去皮弦味

溫鹹

右為細末每服二錢白湯調溫服

### 回陽丹

硫黃

半兩味酸溫大熱治心腹腫聚邪氣冷癖左脇氣咳上氣脚冷無力

附子

炮半

木香

半兩味辛溫療飢中偏寒主氣不足之精

全蝎

半兩味甘辛治一切風

葶澄茄

半兩味辛溫治皮風心腹氣脹

吳茱萸

洗炒半兩味辛溫大熱治中風逐邪

諸食不消氣逆利五藏順氣

乾薑

炒二錢半

右為末酒糊為丸如梧桐子大生薑湯下三五十丸  
併二三服併熱投之衣被取汗

陰毒

仲景但名陰毒主發表陰毒之為病面青身痛如被杖  
咽候痛五日可治七日不可治升麻鼈甲湯去雄黃蜀

椒主之

方見陽毒

王攷之仲景書雖有陰毒之名然其所叙之證不過面目青身痛如被杖咽喉痛而已並不言陰寒極甚之證況其所治之方亦不過升麻甘草當歸鼈甲而已並不  
用大溫大熱之藥是知仲景所謂陰毒者非陰寒之病  
乃是感天地惡毒異氣入於陰經故曰陰毒耳後之論  
者遂以為陰寒極甚之證稱為陰毒乃引仲景所叙面  
目青身痛如被杖咽喉痛數語併而言之却用附子散

正陽散等藥以治竊謂陰寒極甚之證固亦可名為陰毒然終非仲景所以立名之本意觀後人所叙陰毒與仲景所叙陰毒自是兩般豈可混論後人所叙陰毒亦只是內傷冷物或不正暴寒所中或過服寒涼藥所變或內外俱傷於寒而成耳非天地惡毒異氣所中者也活人更名陰毒傷寒主退陰陰毒甘草湯治傷寒時氣初得病一二日便結成陰毒或服藥後六七日已上至十日變成陰毒身重背強腹中絞痛咽喉不利毒



氣攻心心下堅強短氣不得息嘔逆唇青面黑四肢

厥冷其脈沈細而疾身如被杖咽喉痛五六日可治

七日不可治

甘草

炙

桂枝

去粗皮

升麻

當歸

各五錢

雄黃

二錢半

蜀椒

去閉口者沙去汗及子伍錢

鼈甲

酥炙一兩半

右咬咀水煎服如人行五里許更進一服覆取汗毒從汗出即愈若未汗再服

始得陰毒脈沈細疾許陰毒本因腎氣虛冷因慾事或食冷物後傷風內既伏陰外又感寒或先感外寒而後

伏陰內外皆陰則陽氣不守遂發頭痛腰重腹痛眼睛  
疼身體倦怠而不甚熱四肢逆冷額上及手背冷汗不  
止或多煩渴精神恍惚如有所失或可起行不甚覺重  
胗之則六脈俱沈細而疾尺部短小寸口或無六脈俱  
浮大或沈取之大而不甚疾者非陰證也若服涼藥過  
多則渴轉甚燥轉急有此證者急服還陽退陰之藥即  
安惟補虛和氣而已宜服正元散退陰散五勝散陰證  
不宜發汗如氣正脈大身熱未瘥用藥發汗無妨

正元散治傷寒如覺風寒吹著四肢頭目骨節疼痛急服此藥如人行五里許再服連進三服出汗立瘥若患陰毒傷寒入退陰散五分同煎或傷冷傷食頭昏氣滿及心腹諸疾服之無有不效

麻黃

去節

陳皮

大黃

生

甘草

乾薑

肉桂

芍

藥

附子

吳茱萸

半夏

製各等分

為咬咀麻黃

加一半茱萸減一半同為末每服一錢水一盞薑三片棗一枚煎七分熱覆以衣被蓋覆取汗切須候乾

去之如陰毒不可用麻黃免更出汗

退陰散治陰毒傷寒手足逆冷脈沈細頭痛腰重連服  
三次小小傷冷每服一字入正元散同煎入鹽一捻  
陰毒傷寒咳逆煎一服細細熱呷病止 川烏 乾

薑各等分

右為粗末炒令轉色放冷再搗為細末每服一錢水  
一盞鹽一捻煎至半盞去滓溫服

五勝散治傷寒頭痛壯熱骨節疼痛昏沈困倦咳嗽鼻

塞不思飲食，魚治傷寒夾冷氣，并慢陰毒神效。

白朮

一兩半

甘草 五味子

石膏

各一兩

乾薑

三兩半

右咬咀，每服五錢水一盞，入鹽少許同煎服。如冷氣相夾入薑棗煎，或治陰毒病入艾葉少許煎服。

白朮散治陰毒傷寒，心悶煩燥，四肢厥冷。

川烏

炮去

皮桔梗

附子

炮

白朮

細辛

各一兩

乾薑

炮半兩

右咬咀，或末之，白湯調下一錢七。

羅正陽丹治陰毒傷寒，手足厥冷，指甲青色，體冷脈沈。

細而微神效

右用慙葱四五枝陳蜂房四五箇燒存性為細末用  
慙葱搗和丸如彈子大手心內握定用手帕緊緊須  
臾汗出以綿被覆蓋如手心熱甚休教解開如服藥  
先服升麻湯五錢連鬚葱三枝生薑五片水二大盞  
煎至一盞去滓溫服被覆取汗則愈

陰毒漸深爪青面黑脈七至沈細積陰感於下則微陽  
消於上故其候四肢沈重逆冷腹痛轉甚或咽喉不利

或心下脹滿結鞭躁渴虛汗不止或時狂言爪甲面色  
青黑六脈沈細而一息七至以來有此證者速宜於氣  
海關元二穴灸二三百壯以手足溫煖為效仍服金液

丹

蘇丹  
五勝散

還陽散退陰散

川烏

去皮臍冷水浸七日  
苗切曬乾紙袋盛之

有患者取研末一大錢入鹽一小錢水一盞煎至  
七分服壓下陰毒所注如猪血相似未已再進一

服效

還陽散治陰毒面青四肢逆冷心躁腹痛 用硫黃末

新汲水調下二錢良久或寒一起或熱一起更看緊

慢再服汗出瘥

附子回陽散

方良

治陰毒傷寒面青四逆及臍腹疼痛身

體如冰并一切卒暴冷氣

右用附子二枚炮裂去

皮臍搗為細末每服三錢七取生薑自然汁半盞冷  
酒攪勻共一盞調服更以冷清酒一盞送下相次更  
進一服良久臍下如火徧身和煖為度

活返陰丹治陰毒傷寒心神煩躁頭疼四肢逆冷

硫黃

五兩  
另研

附子

炮去  
皮臍

乾薑

炮

桂心

各半  
兩

硝石

另  
研

太



陰玄精石

另研各二兩

上用生鐵銚先鋪玄精末一

半次鋪硝石末一半中間下硫黃末又著硝石一半  
蓋硫黃却以玄精石末蓋上用小盞合著用三斤炭  
火燒令得所勿令烟出細研似麵後三味搗羅為末  
與前藥同研令勻軟飯和丸如桐子大每服十五丸  
至二十九煎艾湯下頻服汗出為度病重則三十九  
此方甚驗喘促與吐逆者入口便住又服此藥三五  
服不退者更於臍下一寸灸之須是晝夜大段不住

手灸不限多少壯數灸之艾炷勿令小小則不得力  
若其人手足冷少腹鞭即於臍下兩邊各開一寸各  
安一道三處齊下火灸之仍與當歸四逆湯併返陰  
丹亦須頻服內外通透方得解若遲誤即死矣又若  
陰證加以少腹不通及陰囊縮入少腹絞痛欲死者  
更於臍下二寸石門穴急灸之仍須與返陰丹當歸  
四逆湯加吳茱萸生薑慎勿與尋常利小便冷滑藥  
火燄散治傷寒惡候 舶上硫黃 黑附子

去皮生用新臘

茶各一兩

右為細末先用好酒一升調藥攤入新碗中於火上  
蕩乾合在瓦上每一碗下燒熟艾一拳大以瓦搗起  
無令著火直至烟盡候冷即刮取研入磁盒內盛每  
服二錢酒一盞共煎七分有火燄起勿訝傷寒陰毒  
者四肢冷脈沈細或吐瀉五心煩躁胃中結鞭或轉  
早伏陰在內湯水不得下或無脈先喫一服如吐却  
更進一服服後心中熱其病已瘥下至臍府中表未

解者渾身壯熱脈氣洪大便宜用發表藥或表解者更不發熱便得眠睡渾身有汗若少有痞結脈實方可用下鬲行藏府藥漸行調和元氣補治脾胃湯散服此藥三服不應者不可治也

陰毒沈困脈入至附骨方有陰毒沈困之候與前後漸染之候皆同而更加沈重六脈附骨取之方有按之即無一息入至已上或不可數至此則藥餌難為功矣但於臍下灼火艾如棗大三百壯以來手足不和煖者不

可治也倘復和緩以前硫黃及熱藥助之若陰氣散陽氣來則漸減熱藥而和治之以取瘥也

治治陰虛陽脫體冷無脈氣息欲絕不省人事及傷寒陰厥百方不效者用葱以索纏如臂大切去根及葉惟存白長二寸許如大餅樣先以火協一面令通熱勿令著火乃以熱面熨病人臍上連臍下又以熨斗滿貯火熨之令葱餅中熱氣鬱入肌肉內須臾作三四餅一餅壞不可熨又易一餅良久病人當甦手足溫有汗即瘥

更服四逆湯以溫其內

海治陰證諸藥不效併湯水不下身冷脈絕氣息短不知人用葱白熨法又不若用醎醋拌麴皮炒熟注布袋中蒸熨之此上法尤速

代灸塗臍膏 附子 馬蘭子 蛇床子 吳茱萸

肉桂

各等分

右為細末可用白麵一匙藥末一匙生薑自然汁煨成膏攤紙上圓三寸許貼臍下關元氣海自晚至曉

其火力可代灸百壯腰痛亦可貼之 一法用丁香  
草撥乾薑牡蠣燒灰放手心中以唾津調如泥以手  
掩其陰至煖汗出為度

陰毒傷寒四肢逆冷者用吳茱萸不拘多少為細末溫  
酒和勻生絹袋盛之熱熨脚心令通暢愈若以湯煎溫  
藥漂洗以接四肢亦可

迴生神膏

良法治男女陰毒傷寒外按法

牡蠣

煨粉

乾薑

炮各一錢

研為細末男病用女唾調手

內擦熱緊掩二卵上得汗出愈女病用男唾調手內  
擦熱緊掩二乳上得汗出愈卵與乳男女之根蒂坎  
離之分也陰證大小便不通及諸雜證陰證大小便  
不通者並宜此外治法數日不通為急非急者勿用

陰中伏陽破陰丹

硫黃

水銀

各一兩

陳皮

青皮

各半

兩

先將硫黃放入銚子內鎔開次下水銀用鉄

杖子打勻令無星傾入黑茶盞細研入二味麵糊丸  
如桐子大每服三十九如煩躁冷鹽湯下陰證艾湯



下良效

有人初得病四肢逆冷臍下築痛身疼如被杖蓋陰證也急服金液破陰來復等丹其脈遂沉而滑沉者陰也滑者陽也病雖陰證而見陽脈有可生之理仲景所謂陰病見陽脈者生仍灸氣海丹田百壯手足溫溫陽回得汗而解或問滑沉之狀如何便有生理予曰仲景云翕奄沉名曰滑何謂也沉為純陰翕為正陽陰陽和合故名曰滑古人論脈滑雖曰往來前却流利旋轉替替

然與數相似仲景三語而足也此三字極難曉翕合也  
言張而復合也故曰翕為正陽沉言忽降而下也故曰  
沉為正陰方翕而合俄降而沉奄為忽忽間仲景論滑  
脈可為諦當矣其言皆有法故讀者難曉宜細思之  
霹靂散 治傷寒陰勝陽其人必躁熱而不欲飲水  
是也 上用附子一枚燒灰存性為末作一服蜜水  
調下而愈此逼散寒氣後熱氣上行而汗乃愈

陶陰毒病手足指甲皆青脈沉細而急者四逆湯無脈

者通脈四逆湯陰毒甘草湯真武湯厚朴九白木湯  
肉桂散皆可選用

正陽回陰霹靂散正元散天雄散附子散

劫金液丹

熏逆冷囊縮者以炒豆投熱醋中如法熏之

熨法灸法一傷寒直中陰經真寒證或陰毒證身如  
被杖腹中絞痛嘔逆沈重不知人事四體堅冷如石  
手指甲唇青藥不入口六脈沈細或無脈欲絕者將

葱一握切去根葉取白三寸許搗如餅先用麝香半  
分填臍中後放葱餅臍上以火熨之連換三四餅稍  
醒灌入生薑汁服回陽救急湯如不醒再灸氣海關  
元二三十壯使熱氣通于內逼邪外出以復陽氣如  
用此法手足溫和汗出即醒者有生意也手足不溫  
汗出不醒人事者不能起矣


吳或問陰毒傷寒用附子湯冷服何也此蓋陰極于下  
陽浮于上之治法也予曾治一人傷寒十餘日脈沈

細手溫而足冷大便不通面赤嘔煩渴藥不能下惟  
喜涼水一二口或西瓜一二塊食下良久而復吐出  
此陰寒于內逼其浮陽失守之火聚于胸中上衝咽  
噎故為面赤嘔煩也遂用附子大者一枚以生薑自  
然汁和白麵包裏煨熟去麴取附子去皮尖切作八  
片又以人參三錢乾薑炮三錢水二盅煎取一盅浸  
于冷水中待藥冷與之即愈按內經曰若調寒熱之  
逆冷熱必行則熱藥冷服下噎之後冷體既消熱性

即發由是病氣隨愈嘔煩皆除情且不違而致大益此之謂也蓋近世患陰證傷寒往往疑似參差初便不敢用附子直待陰極陽竭而用之則為遲矣大抵治法有是病投是藥豈可狐疑而誤治哉且夾陰傷寒先因慾事伏陰于內却又著寒內外皆陰陰氣獨盛則陽氣以衰故脈沈而足冷也必須急用人參健脈以益元氣為主佐以附子溫腎經散寒邪以退陰而回陽也若舍此二味不用將何以救之哉古之諺

曰傷寒偏死下虛人誠哉斯語許學士論必以真氣  
為主蓋真氣乃人命之根蒂也若不察真氣之虛實  
而欲急攻其熱或施汗下或多用寒涼之藥攻熱未  
愈陰寒復生病至危殆良可悲夫

又方用雄雞血滴入無灰熱酒內飲之以衣被溫覆取  
汗



證治準繩卷四十五